

## ცნობილი ფოტოგრაფის - ილო ხახიაშვილის სახელობის ფოტოკონკურსი „ილო“-ს დებულება

### 1. ზოგადი დებულებები:

1.1 ფოტოკონკურსის ორგანიზატორია თვითმმართველი ქალაქ ქუთაისის მუნიციპალიტეტის მერია.

1.2 კონკურსში მონაწილეობის უფლება აქვს სრულწლოვან ფიზიკურ პირებს პროფესიონალ და მოყვარულ ფოტოგრაფებს, რომელთათვისაც სავალდებულოა კონკურსის პირობების დაცვა და შესრულება.

1.3 ფოტოკონკურსში მონაწილეობისათვის არ დაიშვებიან ავტორთა კოლექტივები, ფოტოსტუდიები, რედაქციები, ასევე სხვა გაერთიანებები და ორგანიზაციები.

1.4 ფოტოკონკურსში მონაწილეობა ნიშნავს ავტორის თანხმობას გამოყენებულ იქნას მისი ნამუშევარი არაკომერციული მიზნებისთვის, მეთოდურ და საინფორმაციო გამოცემებში, კატალოგებში, ბუკლეტებსა და ფოტოგამოფენებში.

1.3 ფოტოკონკურსი ჩატარებულად ჩაითვლება არა ნაკლებ სამი კონკურსანტის მონაწილეობის შემთხვევაში.

1.4 საკონკურსო ფოტო გადაღებული უნდა იყოს კონკურსის ჩატარებამდე არაუგვიანეს 1 წლისა

1.5 ფოტოკონკურსის ჩატარების ადგილი - ქალაქ ქუთაისი, რუსთაველის გამზირი №3

### 2. ფოტოკონკურსის მიზანი:

ფოტოკონკურსის მიზანია გამოავლინოს ნიჭიერი ფოტოგრაფები (მოყვარულები და პროფესიონალები) და ხელი შეუწყოს ქუთაისში ფოტოგრაფიის განვითარებას.

### 3. ფოტოკონკურსის თემა

- ძირითადი ფოტოკონკურსის თემა არის “პორტრეტი” - მონაწილეებმა უნდა წარმოადგინონ პორტრეტული ნამუშევრები.

და რუბრიკა:

- რუბრიკაში ”მობილური ფოტო“ (თემა თავისუფალი).

### 4. ფოტოკონკურსის ჩატარების პირობები

4.1 კონკურსში მონაწილეებმა უნდა წარმოადგინონ ციფრული ფაილები ( jpg ფაილში, როგორც დამუშავებული კადრები, ასევე მათი ორიგინალიც, პლაგიატის თავიდან აცილების მიზნით- ჟიურის მოთხოვნის შესაბამისად). ფაილები განაცხადთან ერთად (განაცხადის ფორმის ჩამოტვირთვა შესაძლებელი იქნება ფეისბუქზე არსებული გვერდიდან ქუთაისის მერიის კულტურის განყოფილება და Kutaisi.gov.ge) ხელმოწერილი განაცხადის დასკანერებული ვერსია გადმოიგზავნოს ელექტრონულ მისამართზე: [cesykutaisi@gmail.com](mailto:cesykutaisi@gmail.com) განაცხადში ასევე მითითებული უნდა იყოს ფოტოკონკურსის რომელი განყოფილებისთვის არის განკუთვნილი ფოტოები, ძირითად ფოტოკონკურსში „ პორტრეტი“, თუ რუბრიკაში თავისუფალი თემა „მობილური ფოტო“.

4.2 კონკურსში შეიძლება წარმოდგენილი იყოს ფოტოები სხვადასხვა ჟანრში (პეიზაჟი, პორტრეტი, ჟანრული ფოტოგრაფია, ფოტორეპორტაჟი, კოლაჟი და ა.შ. ). კონკურსანტებმა უნდა

მიუთითონ კონკურსის რომელ სექციაში სურთ მონაწილეობის მიღება (ძირითადი კონკურსი, თუ რუბრიკა).

4.3 ერთი კონკურსანტის მიერ წარმოდგენილი ფოტოსურათების რაოდენობა არ უნდა აღემატებოდეს 3 ფოტოს. თითოეულ რუბრიკაში

4.4 კონკურსში წარმოდგენილი ფოტოების საავტორო უფლება უნდა ეკუთვნოდეს იმ პიროვნებას, ვისი სახელითაც წარდგენილია ნამუშევარი კონკურსში მონაწილეობისთვის .

4.5 ფოტოკონკურსი ცხადდება ერთ ტურად. სამუშაო ენა ქართული.

4.6 გამოსაგზავნი ფაილის მოცულობა - 20x30 სმ, 300 dpi,

4.7 ჟიურის აქვს უფლება ფაილები, რომლებიც არ აკმაყოფილებენ საკონკურსო პირობებში მითითებულ ტექნიკურ პარამეტრებს, არ განიხილოს კონკურსში მონაწილეობისთვის.

4.8 კონკურსის გამარჯვებულები სპეციალურ შეტყობინებას მიიღებენ ელექტრონული ფოსტის მეშვეობით.

4.9 კონკურსის ორგანიზატორებისგან შეტყობინებას მიიღებენ ასევე კონკურსის ის მონაწილეებიც, რომლებიც ვერ გაიმარჯვებენ, მაგრამ რომელთა ნამუშევრები ჟიურის გადაწყვეტილებით საერთო გამოფენაში იქნება წარმოდგენილი.

4.10 ფოტოკონკურსის ფარგლებში დაჯილდოების დღეს გაიმართება ფოტოგამოფენა, სადაც გამოიფინება კონკურსში გამარჯვებული და კონკურსში მონაწილეთა ნამუშევრები (სულ 50 საუკეთესო ფოტო).

4.11 გამოფენისთვის შერჩეული ფოტოების დაბეჭდვას ფოტოკონკურსში შემოსული ელექტრონული ფაილების საფუძველზე უზრუნველყოფენ კონკურსის ორგანიზატორები.

## **5. ფოტოკონკურსის ჟიური**

5.1 ფოტოკონკურსის ჟიური დაკომპლექტდება ფოტოგრაფიის პროფესიონალებისგან- კრიტიკოსებისა და ფოტოგრაფებისგან და ადგილობრივი თვითმმართველობის წარმომადგენლებისაგან. ჟიურის შემადგენლობას ამტკიცებს ქალაქ ქუთაისის მუნიციპალიტეტის მერი ბრძანებით.

## **6 შეფასების კრიტერიუმები**

6.1 ფოტოკონკურსში წარმოდგენილი ნამუშევრების შეფასებას ახდენს ჟიური. გამარჯვებულების გამოვლენისას ჟიური იხელმძღვანელებს საკონკურსო ნამუშევრის მხატვრული ანუ ფოტოგრაფიული ღირებულებით და კონკურსის თემასთან ნამუშევრის შესაბამისობის ხარისხით.

6.2 ასევე გათვალისწინებული იქნება:

- თემის გახსნისთვის გამოყენებული ფოტოგრაფიული ჟანრის (პორტრეტი, რეპორტაჟი, პეიზაჟი, ჟანრული სცენა, კოლაჟი და ა.შ.) ორიგინალურობა;

-ნამუშევრების შესრულების ტექნიკური დონე და მხატვრული გადაწყვეტა;

-კონკურსში წარმოდგენილი ფაილის მინიმალური ტექნიკური ანუ კომპიუტერული დამუშავების ხარისხი.

6. 3. შეფასება მოხდება 5 ბალიანი სისტემით.

## **7. ფოტოკონკურსის ჩატარების კალენდარული გრაფიკი**

7.1 კონკურსი გამოცხადდება: 2021 წლის 16 აგვისტოდან

7.2 საკონკურსო ნამუშევრები მიიღება: 2021 წლის 15 ნოემბრის 18:00 საათამდე.

7.3 შედეგები გამოცხადდება: 2021 წლის 1 დეკემბერს

## **8. დაჯილდოება**

**ძირითადი კონკურსი: „ პორტრეტი“**

პირველი პრემია - 900ლარი

მეორე პრემია - 650 ლარი

მესამე პრემია - 400 ლარი

**რუბრიკა: თავისუფალი თემა „მობილური ფოტო“**

პირველი პრემია - 500 ლარი

მეორე პრემია - 400 ლარი

მესამე პრემია - 300 ლარი

8.2 ფოტოკონკურსში გამარჯვებულებს ფულად პრემიებთან ერთად გადაეცემათ:

- I ადგილის პრიზი (ილოს გამოსახულებიანი ოქროსფერი მინი-ქანდაკება და დიპლომი).
- II ადგილის პრიზი (ილოს გამოსახულებიანი ვერცხლისფერი მინი-ქანდაკება და დიპლომი).
- III ადგილის პრიზი (ილოს გამოსახულებიანი ბრინჯაოსფერის მინი-ქანდაკება და დიპლომი).
- უცხო ქვეყნის მოქალაქის კონკურსში გამარჯვების შემთხვევაში, გადაეცემა საპრიზო ადგილის შესაბამისი ილოს გამოსახულებიანი მინი-ქანდაკება და დიპლომი, რომელიც გაეგზავნება ფოსტით.

## **9. ფოტოკონკურსის მონაწილეთა საავტორო უფლებები**

9.1 პრემირებული ნამუშევრები, ისევე როგორც სხვა, არაპრემირებული ფოტოები, რომლებიც გამოფენისთვის დაიბეჭდება გადადის კონკურსის ორგანიზატორების საკუთრებაში საავტორო უფლებების შესახებ მოქმედი კანონმდებლობის დაცვით.

9.2 ფოტოკონკურსის შედეგები გამოცხადდება კულტურის განყოფილების ფეისბუქგვერდზე

9.3 კონკურსში წარმოდგენილი მასალის (ციფრული ფაილის) ტექნიკურ გამართულობაზე პასუხს აგებს წარმომდგენი/კონკურსში მონაწილე.

10, დროებითი კომისიის მუშაობის წესი

10.1. კომისიის წევრებს შორის მოვალეობებს ანაწილებს და მუშაობის რეჟიმს განსაზღვრავს კომისიის თავმჯდომარე. კომისიის სხდომა COVID უსაფრთხოების მიზნით შესაძლოა გაიმართოს

on-line რეჟიმში.

10.2 დროებითი კომისიის წევრს არ აქვს ფოტოკონკურსში მონაწილეობის უფლება

10.3 გამარჯვებული გამოვლინდება კენჭისყრის გზით;

10.4. გამარჯვებულად ცხადდება ის ნამუშევარი, რომელიც მიიღებს ხმების უმრავლესობას

10.5. თუ ორმა ან მეტმა საკონკურსო ნამუშევარმა დააგროვა თანაბარი რაოდენობის ქულები, გადამწყვეტია კომისიის თავმჯდომარის ხმა

10.6 კომისიის სხდომა ფორმდება ოქმით, რომელსაც ხელს აწერენ კომისიის თავმჯდომარე და დამსწრე წევრები. კომისიის წევრს აქვს უფლება თავისი განსხვავებული აზრი დაურთოს ოქმს, რის შესახებაც ოქმში კეთდება აღნიშვნა.

10.7 დროებითი კომისიის გადაწყვეტილება საბოლოოა და გასაჩივრებას არ ექვემდებარება

***დამატებითი ინფორმაციისათვის გთხოვთ მოგვმართოთ:***

***ელექტრონული ფოსტით მისამართზე: [cesykutaisi@gmail.com](mailto:cesykutaisi@gmail.com)***

***ტელეფონები: 579 100 200 ;***